

洞淵集卷之五

龜山長筌子撰

和

詞

拋毬樂

道人心印悟來自然惺洒這妙用玄關造化
神功巧筆古今難畫見壺中不夜春光有錦
繡江山相亞處處花萼樓臺秀吐香風高聳
蟠桃架玩紫微絳闌瑤池閨苑豈羨世間園
林郊野閉步鳳凰臺聽一派簫韶音韻清雅任
縱橫出入靈空不用王鞭金馬 脩然卓立
乾坤看萬象森羅青霄下五明宮玄珠會妙
體嬋娟姪姪醜醜草誰肯著千金酬價有
緣得遇真師點透靈通常應無虛詐賞聖賢
至理謙慈度日更六根清淨無為風化性月
桂枝芳放萬道光明無毀謝把天機秘訣勿
令輕捨

道七十餘師從此闡淳風降後代神仙出世
機既到今日不悟群迷總被利名駢馳 獨
余擺脫羈縻任落鳧南北與東西壺中景真
消息三大烹煎坎離杳冥恍惚誰信有純陽
龍飛輪開玉戶金闕祥煙瑞氣紅雲豈紫微

聽無絃雪曲仙音韻正美見日月配合結就
刀圭功滿大丹成便拂袖長生路上歸住天
宮快樂武陵瑤池

天香慢

萬木歸根三冬拔萃晚來梅蕊輕垢如雪精
神清人氣焰不許等閑攀摘百花未發獨占
得東君春色庾嶺斜橫秀孤芳更妙機難測
西湖灑然至極勝蠟黃愈增靈識漏泄前
村驛使喜傳消息解引詩人雅詠對一枝金
蕾興自適月浸寒梢天香可惜

燭影搖紅

菊綻黃花月生碧漢清光皎霜前雨後正芬
芳四海圓明照朵朵爭開爛熳吐香風騰輝
天表檻邊幽雅空外嬋娟依稀呈妙 閱苑
仙葩蔣公三徑知音少瑤臺寶鑑照娉娉悟

者頭頭了好對東籬賞玩射江山虛堂靈沼
數枝金藥萬道銀霞浮生難曉

解愁

歲月忽忽忙如奔騎來往暗催浮世愛河誰
省悟戲欲浪苦爭名利火院憂他事兵子更
不念自身顛顛你直待大限臨頭恁時悔恨
又成何濟 活鬼販骨千迴空勞壞紛紛開
如螻蟻丈夫心猛烈兼慧萬緣齊棄劈碎凡
籠無量碍任自在翫山遊水向林下醉飲真
風坦然高卧占清閑貴

返照人間忙忙劫劫晝夜苦辛無歡大都能
幾許這百年有如春雪可惜天真逐愛欲伴
傀儡被他牽拽暗悲嗟苦海浮生改頭換殼
看何時徹 聽說古往今來名利客空有免
躑躅穴六朝并五霸盡輸他水雲英傑一味
真純為伴侶養浩然歲寒清節這些兒冷淡
生涯與誰共賞有松窻月

滿庭芳

大覺光明不須外覓人人各有如來浮生迷
昧取骨走千迴鑿透靈源法海禪河漲風浪

崔嵬泥牛吼威音寮曉鐵壁起雲雷 菩提
无縫塔林巒掩映山色分開任曹溪雪滿漏
泄紅梅處處香嚴法界休分別祇樹蒿萊真
消息孤峯頂上石女繡菱苔

微妙家風非空非色卓然无去无來起今越

古悟者免輪迴拈出長春聖境瓊花綻鐵樹

崔嵬誰知覺了翁夜半震動九天雷 玄門

真洒落星樓月殿愚昧難開家陽芝草端的

勝寒梅方寸神機莫測何消得飛過蓬萊紅

塵外玉霄閑容未肯躡蒼苔

决烈修真慙辦道萬緣識破皆空太虛鼎

内默默養和冲一顆靈珠燦爛光輝似月射

千峯長春景五雲臺上芝草吐香風 這些

微妙理有緣端的千里相逢纖塵不染清淨

是真功用頭頭不昧起生滅法界難籠還

能此逍遙自在處處是仙官

老氏真機如來祖印明明象帝之先不生不

滅端的至幽玄一泓清風匝地迷雲散皓月

當天君知否寥寥劫外法鼓震三千 本來

真箇妙無名無相非道非禪學人外覓教我

怎生傳不肯迴光返照區區地走遍山川歸
來也人牛不見芳草鎖江煙

本分家風尋常日用何方不是林泉飢飧渴

飲任運度流年行止非人所及休思算好弱

由天君知麼一身尚假萬事豈牢堅 些兒

窮活計寂寥消酒有口難言算駭不置那得

買山錢且恁騰騰兀兀任從他蠟戰蜂喧真

清樂松間步月石上枕書眠

綠頭鴨

兩初晴江山景色新鮮乍艷陽春光美麗見

郊原芳草芊芊靚梨花輕籠淡月聞松聲冷

和清泉風細池塘簾垂院落晚鶯啼喚柳含

煙更疊翠山憐如削時物筆難傳誰能悟韶

華不久人世非堅 走紅塵何曾返照損氣

神虛度流年競錐刀如蠅見血戀妻男似蟻

爭羶火宅憂煎情波出沒四生六道不知還

任千劫輪迴返骨迷了本靈源聰明客諸緣

放下閑裏修仙

江神子慢

掃除六塵迹點檢現前真箇消息慧光赫觀

拈出妙用靈根端的越聲色一曲威音非律

呂超今古琅琅誰聽得湛然萬里雲收晴天

闕月華白 縱橫金田覺海笑已歌謔謔葛

藤千尺泯情識空劫外門掩蒼苔閑寂致虛

極枕上江山春色好松花老香風飄廣陌此

時作箇逍遙一煙霞客

雨霖霖

清晨凝竚見風雲濟及作時雨陰陽協順空

中為甘露山澤敷布點點如膏利益洗滅妖

氛四海澄素造化天地神功擾擾浮生幾人

悟 乾坤美澤恩霑溥勝安穩此價應難買

滋生萬物榮甦增瑞慶兆民歌舞五穀豐登

庶事康寧遐邇安固感上下和睦無為敬禮

玄元祖

絳都春

天生懶嬾愛靜處坦然開懷澄坐面垢頭鬢

養疎慵消災禍無榮無繫隨緣過也不會焚

燒香火羅燈哩啞鶯歌舌誕恣情吟和 南

柯夢中識破把蝸角蠅頭身心權挫手捏靈

芝泛無何誰知我清風皓月時相賀香冥中

修成仙果了然歸去綿綿九天高卧

侵尋妙景看赤城秀蕊芝田千頃物外閑閑
樂真情搜佳興扁舟載月煙蓑冷酒醒時臨
流清詠一聲菟管三幅曉風洒然幽勝微
音慢彈誰聽似野鶴騰空生涯萍梗放曠乾

坤與江湖絲綸整錦鱗釣得成餘慶便歸來
玄都馳騁杖挑春色逍遙太虛仙境

心如江海納百川萬派澄清無礙渺渺淵源
幾人知包沙界光明燦爛超三昧說小乘邪
魔潛退混元風範虛无秘宥下愚難解宣

揚巨初真載統眾妙之門高下無賽應物頭
頭顯慈悲消災害不生不滅非中外這一曲
玄歌誰買玉京仙子吹動太虛天籟

瑞鶴仙

歲華如轉蓬嗟世路忙忙何日知足錐刀競
蠻觸這浮名浮利少榮多辱誰能寡欲醉恬
快天之美祿把塵緣一旦紛飛回首退藏崑
谷 清福松間步月石上眠雲性如麋鹿高
歌一曲閑吟罷布某局聽猿啼鶴唳水綠山
青籬外風敲瘦玉這真懽誇古騰今幾人繼

續

武陵溪上看觀闌苑瑤臺應是花綻風流世
間罕噴清香鮮異紫芝相間東君不管更別
有長春手段向無為樹上芬芳光彩日常呈
現 堪獻玄元根本錦綉枝梢是誰親見何

方貴顯金蓮會任舒展這天生雅艷一種瓊
英只許神仙作伴若諸人株得歸來玉京賞

玩花開
玉峯時暫歇覺風入瓊林倍增真悅煩蒸頓
消滅掃塵埃四海廓然施設八方靜縹布一

味清涼妙絕這些兒冷淡生涯等閑未曾輕
泄 奇別蕭蕭晝夜颯颯乾坤幾人能管隨
機應轍尋知友伴明月遶群芳結秀響報聲
聞動用陰陽正訣待浮生吹散迷雲恁時細

說風入
素秋天似水更夜色呈解物華殊麗山堂興
無際見團圓月照洞庭深遠清風匝地但處
處昭彰德被遍恒沙朗射晴空千古秀凝青
柱 高貴隨形應現鑑物無私碧霄呈瑞林
然奏異輝法界顯靈慧放清光高道入戶穿

窻皎皎昏蒙普濟願凡夫早悟圓明蓋知此

理詞照

幸逢玄運到正律呂推移址辰宣號須臾瑞
祥報見同雲凝雪曉迷蓬島天公德茂但處
處瓊花映罩向長空片片輕飄顯揚聖功微

妙 深奧虛无造化秘密神機對誰分表三
山路香真蕭洒洗塵擾看瓊宮寶殿素淨樓
臺出入仙姿窈窕這冰清玉潔家風幾人頌

了雪迷

玩瑤臺本名要

直指玄元路嘆苦海迷人不悟在目前平
穩穩又無些險難相阻把萬緣一齊放下他

自然有聖賢提舉似斷雲野鶴飛騰向物外
青霄信步 慶會神仙語渴時飲蟠桃醪醕
出入在星樓月殿笑人間死生今古跨彩鳳
祥鸞觀太虛歸來卧碧霞深處這道遙活計
誰傳分付與蓬萊伴侶

花心動
江路閑遊見梅芳姿水邊將發倦當半開踈
影斜橫幽艷傲欺霜雪清癯獨秀風臺畔笑

百舟凍凝推折散芳烈竹籬茅舍最堪栽接
破臘傳春放徹吐玉蕊瓊枝等閑誰管欲
寄故人驛使稀逢空對暗香凄切壽陽公主
今何在這姑射玉仙清絕向誰說黃昏小窻
淡月

百歲光陰似飄風浮漚電雷轟割返照速修
急景難留不覺鬢華如雪萬緣羈絆何時了
謾昏曉寸心愁結勸英傑莫教全破斷繩難
接一夫人身萬劫歎伶仃惺惺不遭縲紲
欲浪思山玉杵金枷誰肯猛然拋擊一朝大
限臨門喚見閻老怎生推說恁時節追思聖
賢妙訣

洞玄歌

野堂花老檻外幽香度綠影沉沉映窻戶任
從他日轉西郊且閑看雲生南浦見隱隱暹
峇接天青又石齒分泉迸珠飛雨丹丘咫尺
幾箇人回顧鼯鼠穿窬豈足數假直鏡騎
陌長遊爭似向煙嵐深處梳萬壑雲霞樂平
生便不勝紅塵點染縑素
倦遊退尺粟里潛踪拙活氣凌空向誰說醉

酬春醞釀三杯遣幽興滄茫一葉更野服蕭
然越林叢拉信友相瀆竹風花月生涯淡
淨至妙人間絕不尚文軒錦幃列樂田盧嘯
傲華顛種松菊棲蓬清節這一味真惟幾人
知有靜几蒲團獸爐沉屑

水龍吟

故鄉何處樓連海山霧斂春風細花撲石澗
雲嬌煙淡天容如水芝桂香分摘橙酒澆錦
茵攜翠佩霓裳縹緲飛瓊羽蓋瑤池宴賞佳
麗俯笑人間富貴到頭來一場虛偽桑田
暗改人生空老誰能適意虎戰龍爭漢興秦
滅合成何濟看蓬萊紫府長春勝景妙無加
矣

雨中花

急急豈音似箭暗催人物煙草茫茫塞鴻悲
秋晚敗葉飄黃萬里關山牢落一天風雨淒
涼這蕭閑活計向誰分許表我衷腸霜寒
露冷菊瘦梧桐凋又近重陽信道壺中光景雲
水家鄉金殿玉樓庭院錦溪花塢池塘世間
虛幻薄名浮利都寄黃粱

百寶粧

榴藥濃芳簾幕半捲清閑白晝偏長院宇無
塵微雨過池塘幽軒細細風披竹敲石枕藤
床分外涼看雲峯偃仰高眠晃然已到羲皇
休休塵世俱忘真常妙用安排黃卷爐香

莫羨俗情如蟻慕羶腸清虛淡素甘貧樂縱
酷暑難侵道哲堂好棲心見素家風洞中別
是仙鄉

一點靈光輪迴萬劫胎卵濕化無歇苦海無
涯生滅甚時徹无根四大非堅固戀此箇形
骸何大拙把浮沉世夢磨開慧劍割斷根孽
逍遙物外生涯隨分樂天知命閑伴風月
抱守元陽神氣自交結乾坤倒顛翻離坎這
既濟天然非扭捏有春生夏長秋成萬葉一
氣無別

鶯穿柳

乘桴默契便休休倦役結茅歸里一任羸豨
威鎮虎韜熊罴羣塵爭起起成何濟只願
得玉顏先弊覆手一場空過眼繁華虛矣
爭似樂然從已賞花樓上苑魚游春水滿泛

紅潮美且鬱陶襟懷青門歌吹醉卧東風裏
看隋堤柳搖金藥放適簪纓亂鋪蒼翠

天香

過隙年光如毛塵事幾人識破休矣歸去來
分雲耕水釣林下澹然寧耳翠微影裏別有
些逍遙真味一曲玄歌寄天香嘆物華榮穎
白茅半間而已暢情懷四時吟醉返照人
生畢竟到頭何濟坐看空華起滅這混成消
息越衆美大朴淳風清虛妙理

若論修真玄關直指外緣心上都擊靜處踟
躕存神握固莫辯是非優劣任緣度日除飽
暖其餘忘絕一味清閑價無窮對下愚難說
端的至誠妙訣歎學人幾曾休歇默默昏
昏壺內玉花開徹恍惚中間顯象見寶珠光
耀皎皎月悟得之時同遊聖國

二郎神

歎平生設日夜勞勞壞壞想一世浮華能幾
許若雲間電光翻掌夢幻吞侵何日省惡火
院纏綿業網這人身一失萬劫難逢誰能迴
向清爽猛跳出迷津欲浪彼岸風光真快

樂伴孤雲野鶴飄蕩悟徹靈臺無障礙似月
掛寒天朗朗滿十方三界瑩徹圓明逍遙吟
唱

平生興有萬頃雲山野景竹曠梅村達戶悄
這幽閑世間難勝一曲無絃喧宇宙對沉水
石爐絕聽向林下樓邊養就懶散煙霞情性
復命披短褐玄通古聖看鷺立鷗飛沙鷺
岸笑醺鷄兪中流梗一枕華胥春夢覺豈封
侯列鼎早回首歸來月照松溪雲岳苔徑

離塵俗便點檢林泉雅趣竹杖芒鞋青筠笠
泛煙波綠葦柔櫓月夜江天無盡樂品短笛
瀟湘蓼渚此消息千金不賣好對漁樵分付
歸去對晚翠風生小浦勘破南華龜曳尾
儘教他衣冠豺虎野水添盃誰似我醉卧白
雲深處任秋月春花暗換桑田明催今古

訴衷情為大地衆生淚洒曉夜憂煎食活路
盡都被妻男相掛使萬種機關富貴全不
怕梨梅高駕勸愚迷早悟後世因緣直言真
寫幽雅玄妙不用錢價只用他心燈常
不昧要萬法靈通總壓待行滿丹成歸去日

把四假凡軀脫下向桃源仙會玉殿金樓長
春不夜

上丹青

嘆人生如掣電似浮漚更何消苦苦貪求榮
枯得失宿緣分定豈須憂我今悟此養天倪
晦迹林丘九筆瓢樂琴書味閑中過靜中休
有恬悒真趣相酬花朝月夜大開口笑展眉
頭玄珠收得默然歸方外優游

月上海棠

應時宇宙行慈善向苦海橫舟運方便法界
顯威光說群魔隱潛逃竄真仙現別有神通
手段上蒼委我開仙院把大道玄風任弘
闡香餌滿安姿釣金鰲玉京遊玩瓊瑤宴俯
哺人間蟻戰

一枝春

堪嗟肉傀儡塵世爭奇怪晝夜火院煎苦沉
埋花酒叢中孽重終難改骸骨何時徹頭面
翻騰昧了靈源真宰獨我而今樂自在放
逸游寰海逍遙天地間笑開懷一味清閑萬
兩金難買九轉功夫足步月携雲穩赴金蓮

仙會

醉中歸

過隙時光促人身以風燭誰信神明暗裏報
 人災福觀二權如轉轂晝夜翻騰榮辱詳情
 苦攢攢簇簇貪迷嗜慾 獨我迴頭歸來隱
 山谷水釣雲耕種數枝松菊開來後歌一
 曲不羨權門紅綠養愚常清貧自在平生願
 足

傾盆

物外迴觀愛河滾滾空勞壤為何因故戀惜
 妻男競爭名利念念隨他蒙昧真如掀天富
 貴傾城嬌艷惹歸何處嘆浮生下稍終久盡
 成虛 傷嗟是非今古百年歡宴大都幾許
 夢想南柯命運遭比府尚自貪婪不尋歸路輪
 回駁骨身伴孤狸幾番荒蕪謾贏得往來愁
 浪苦流注

休休我省也棄世俗洞庭深處好行步大藥
 燒成寶珠收得曲按無絃音勝官羽洪揚道
 德風範鍾呂許由巢父向道遙彼岸尋箇水
 雲侶 誰能繼聖徒智若愚六情斷滅九玄

通悟妙粹沖虛炳煥靈明物物般般無疑無
 慮一真瑩徹功行滿足頓超塵所便歸來洒
 落方外了然去

鳳樓梧

避暑繩床聊慰興翠簾森森幾處花陰觀
 草池塘人不問綠荷暗竊薰風信 懶把霜
 紈嫌力困沉李爵冰煮茗清泉近裸袒襟懷
 无鬱悶筭來便有神仙分

神仙會

堪嗟世上人箇箇吞成蠶不肯回頭抵死火
 坑貪戀千辛萬苦甘受無辭嘆嘆置家計慮妻
 男恐不辦 一朝業滿看你如何免眼光落
 地別改一般頭面披毛戴角恁時難分辯早
 下手出迷津應仙選

韶華似激箭暗把朱顏換我今識破渾若夢
 中驚散囚枷脫下信任胡歌誕儘人言一乖
 慵言風漢 大開口笑世俗无拘管落落魄
 魄信脚水山遊玩天涯海角自有清閑伴細
 筭來這些兒最長便

一剪梅

身若白雲任卷舒天涯海岸自在无拘太虛
 廓落是吾廬不羨王侯拱壁軒輿 一味閑
 閑樂有餘從他活計冷淡消踪歸來畢竟理
 何如心月輝輝光射蓬壺

楊柳枝

頓悟真空棄外緣樂清閑四時進火運周天
 種芝田 埏埴玄爐分造化飲靈泉寥陽丹
 闕永綿綿證金天

二曜忙忙若轉丸走天邊催人販骨似丘山
 不停閑 惡火猫兒拽不出忒痴頑遍觀塵
 世總如然好心酸

踏雲行

無相形容靈明心手清虛岸上栽金柳剪除
 魍魎跨鶴螟布夷俯彌空山陡 劫外飛騰
 妙中行走杳冥鄉裏尋知友歛餘恬快醉真
 風乾坤曠朗絕纖有

粉蝶兒

欲說天機奈塵寰世人不信只因他夙緣無
 分戀浮華貪火院氣神虧損取屍骸迷了本
 來心印 悟後迴頭樂清閑莫勞方寸好參

求妙靈玄牝煉純陽驚宇宙一聲雷震恁時
節向蓬萊會中相等

江神子令

世情誰不愛浮榮利和名兩關局識破歸來
林下傲餘生萬頃煙霞真伴侶猿鶴老水風
清 任教駟騎走塵纓捲柴荆坐忘形一味
閑閑斜日照窗櫺試問知音何處也雲漢闊
遠山青

莊周蝶夢幾人醒理圓明了余生老計田園
谷口傲其耕落日西風吹敗葉雲返岫雨初
晴 數聲高柳暮蟬鳴淡煙橫野泉傾千里
關河秋色滿山城晦迹人間青眼少誰念我
養遐齡

青玉案

警然悟得長生路平坦無來去萬法圓融超
六度威音那畔幾人曾到別有逍遙處 靈
明國內絕朝暮誰薦當頭這一句木馬嘶風
泥牛許惹雲廣布法雷高震空洒禪天雨
賀聖朝
春光明媚黃鸝出谷紫燕來巢見仙桃初放

兩三枝簡翠竹香茅 琴書高枕柴門緊閉
莫放人敲任松軒紅日照三竿更蝶夢花梢

其二

道人幽趣蕭閑風味林下雲煙夜橫琴高隱
翠微間看月印寒泉 逍遙吟唱還鄉宮調
雪曲無絃這玄珠收得未朝元作住世神仙

長思仙

醉中醒夢中醒月浸松窓枕簟清誰家搗練
聲 訴真情樂真情竹外流泉漱石鳴雲山
疊翠屏

西江月

莫羨金閨黼黻好攀仙桂枝柯悟來心鏡不
須磨頃浪浮華物我 返照壺天日月休言
塵世風波長拖瘦玉泛無何歸去煙蘿深卧
形物雖居宇內夢魂長玩台州山堂真趣
與誰酬窻外梅疎竹瘦 千里煙霞冉冉半
簾風月颼颼天公賜我這清幽料想浮生難
勾

訴衷情

夜深人悄漏聲殘秋色滿江干寒煙野塘橫

渡誰寫畫圖間 風澀澀月彎彎坐更闌寶
鼎香燼銀漢星稀蝶夢飛還
楮冠竹杖友南華耕釣老生涯馬能繫而不
食吾志豈乾爪 忘扣角憶歸槎傲漁家煙
波萬頃紅蓼灘頭醉卧兼葭

小重山

自古高人遠市鄜超然離俗表隱林泉嘗聞
宣聖有遺言仁智者山水窟中安 無事惱
心間猿鶴為朋友養成丹白雲深處樂幽閑
明月下一曲小重山

大官樂

踏青放適遊人悅江山明媚陽和節出谷新
鶯聲軟怯柳綿零落如飛雪
石榴色蘸香囊血綠荷如蓋蓮開葉避暑登
樓心爽潔霜紉揮落窠天月
登高雅會時當九黃花乍拆東籬後煙淡波
寒誰信受風敲紅葉霜林瘦
斜橫踈影天香軟冷齋夜話詩魂遠好把紅
潮頻滿勸任教六出風撩亂

鷓鴣天

小隱村居樂至閑興來冷首鷓鴣天桃花笑
日開紅錦門柳垂絲裊翠煙 扁葦戶掃苔
錢困時禪榻枕書眠有人問我修何事夢載
華胥月一船春

弄舌閑禽向鬱林滌蒸散髮趁松陰清風習
習來冰簟陶寫真情取次吟 天似水柳如
金火雲疊翠出逸岑危樓安枕王孫趣靜室
忘機逸士心夏

乍覺西風吹葛衣蕭蕭秋色滿華夷催排菴
麥花開日點勘梧桐葉落時 鴉噪晚客思
歸一川木黍正離離蟬聲莫向高枝叫切恐
賓鴻苦皺眉秋

一夜嚴凝作苦寒頭明六出落人間彤雲慘
粉蛾飛舞柳絮隨風蝶往還 梅影瘦竹枝
彎一丘湖玉倚欄干何人助我丹青力寫入
幘山子細看冬

華溪仄春風也是人間客飄零南北幾時休
息 不如學箇商山伯石樓雲殿銷塵迹丹
丘閑看老松千尺

花心動

劫外咸音嘆勞生荒蒼幾曾知覺劫破轉輪
聲碎虛空遊戲六門無著塊然蕙帳胡床穩
看鐵樹應時花灼慧光燦大明寶殿玉龍盤
薄 一顆玄珠踴躍迸霞彩輝輝萬神懽樂
散去收來逆順縱橫雪曲頰超索篇真情欲
訴憑誰說見胎卵夢冤交錯曉天廓聽吹鳳
樓畫角

月中仙

歷劫清凝鑑無私瑩澄誰是宜表冲虛浩渺
統萬靈機變候恢臨照湛然包大道體難測
窮通暗報素君誰能到寂寥九陽閑靜至玄
與 乾元浩立青霄覆三千大千神用樞要
高明杳杳應四時生化清虛顛倒慧風空外
掃更廓朗群迷怎曉我今深通了歸來賞玩
逍遙好

成功了

瞥然曉便識破浮生一場虛孺利路駢馳光
陰迅速空惹物情衰老自歌自笑念好景幾
人曾到故園春色海棠半開綠楊輕裊 休

休萬事了聽亂山深處杜鵑啼叫歸去來兮
長安古道隱隱斷霞殘照洞庭寂悄數門外
落花風掃故人別後青霄鳳吟香香
悟淨世把萬事紛紛盡皆忘棄杖雲巾麻
條紙襖便是隨身行李玩山遊水要到處樂
然從已兀兀騰騰逍遙自在快活誰比 同
流看子細是這些消息恁般活計一味真歡
君還會得人靜月明千里暢哉而已對小齋
幾枝寒藥有誰知我西山半軒曉翠
洞淵集卷之五